



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1176. Usque Ad Annum 1203

**Fleury, Claude**

**August. Vind. [u.a.], 1763**

**VD18 90118022**

§. 33. Ecclesia Latina in Oriente.

---

[urn:nbn:de:hbz:466:1-66394](https://nbn-resolving.org/urn:nbn:de:hbz:466:1-66394)

Sæcul. XII. & cunctis suavissimam sui reliquisse me-  
 A.C. 1180. moriam. Unde patet, hunc Præsulem,  
 etiam Latini Ritus esset, Manuelem pro  
 Catholico habuisse. Superius etiam no-  
 tavimus, quod Manueli Imperatori cum  
 Summo Pontifice Alexandro Epistolarum  
 commercium intercesserit; quare nemo  
 affirmare potest, Manuelis tempore  
 Schisma Græcorum jam fuisse formatum.

Cang. famil. Successit in Imperio Patri suo Alexius  
 Byz. p. 186. Comnenus, natus circiter annos tredecim,  
 sub tutela Matris suæ Mariæ, Rai-  
 mundi Principis Antiocheni filiæ, quæ  
 & ipsa ab Alexio Comneno Protevestiario  
 seu Vestiarii Cæsarei præfecto, defun-  
 cti Imperatoris Agnato, regi se patiebatur.

## §. XXXIII.

*Ecclesia Latina in Oriente.*

Sanut. III.  
 fidel. Cruc.  
 par. 6.  
 c. ult.

Eodem anno millesimo centesimo octo-  
 gesimo e vivis excessit Amalricus,  
 Patriarcha Latinus Hierosolymæ, vir  
 simplex, ideoque Ecclesiæ suæ parum  
 utilis. Successit Heraclius, antea Archi-  
 episcopus Latini Ritus Cæsareæ, pessimi  
 exempli pastor, nam publice pellicem  
 domi alebat, quam populus per plateas  
 procedentem, & cultu pretioso splen-  
 dentem, Patriarchissam appellabat. Cum  
 Heraclius eligeretur palam dicentes au-  
 diebantur: *Crucem Domini perditum  
 ibit*

*abit Heraclius Patriarcha, quæ sub He-* Sæcul. XII.  
*raclio Imperatore inventa est.* Ita con- A.C. 1180.  
 jicientes a vero neutiquam aberrasse,  
 eventus deinde docuit. Ceterum He-  
 raclius Sedem Hierosolymitanam annis  
 undecim tenuit.

Rem vero Regni Hierosolymitani  
 publicam quotidie in pejus ruere nemo  
 erat, qui non videret, invalescente po-  
 tentia Saladini, qui Ægypto in potesta-  
 tem redacta, & prolatis in Syria Impe- G. Tyr. §  
 rij sui finibus, Damascum occupaverat, XXI. c. 6. 7.  
 omnibusque provinciis a Noradino  
 quondam possessis imminebat. Ita In-  
 fidelium vires tunc erant unitæ; cum  
 contra, ante annos octoginta, Francis in  
 Palæstinam irrupentibus, sub multis  
 Principibus fuissent divisæ. Præterea  
 corrupti Francorum mores robur etiam  
 animorum labefactaverant, postquam  
 bellicæ virtutis & disciplinæ militaris  
 obliti fuissent. Ita de his scripsit Guiliel-  
 mus Tyriensis, cum dolens Regni Chri-  
 stiani ruinam mente prospiceret, cujus  
 Regimen, dum Rex Balduinus IV. ad æ- c. 5.  
 tatem imperii capacem perveniret, com-  
 missum est Raimundo III. Comiti Tripo-  
 litano, ex prosapia Raimundi Comitis  
 Tolosani edito, & Regis juvenis Con-  
 sanguineo. Tum statutum, universas  
 Regni vires Saladino objicere. Atque c. 20. 23.  
 anno 1177. cum iste urbi Ascaloni exer-  
 citum



manibus eripi potuit. Exinde Saladi Sæcul. XII.  
 nus victor novam ad Jordanem amnem A.C. 1180.  
 munitionem obsidet, tumque, hac cura  
 Ducibus suis commissa, ipse cum exer- c. 29.  
 citus parte ad urbem Sidonem movet,  
 ubi edita pugna Cracigeri iterum cæsi,  
 multique capti, quorum numerum au-  
 xit Odo a S. Amando, Templariorum  
 Magister, vir improbus & stolide elatus,  
 nec hominum reverens nec Dei. Usque  
 adeo Odo iste a primi Instituti ratione  
 defecerat. Hæc clades Christianis de-  
 cima die Aprilis anno millesimo centesi-  
 mo septuagesimo nono illata. Saladinus  
 vero, captam arcem ad Vadum Jacob  
 solo æquavit.

Alexander Papa receptis nunciis, tri- Alex. ep. 59.  
 stem Palæstinæ sortem afferentibus, duas 60.  
 scripsit Epistolas, alteram ad omnes Prin-  
 cipes Fidelesque, alteram ad omnes Epi-  
 scopos & Abbates, utramque Tuscula-  
 ni sexta Januarii datam. In iis extre-  
 mum periculum Urbis Hierosolymitanæ  
 refert; cum in Rege Balduino, lepra  
 affecto, parum opis esset, & Palæstina  
 viris manu consilioque fortibus destitue-  
 retur. Tum hortatur; ad præstandum  
 celeriter auxilium iter arriperent. Eum  
 quippe ne quidem Christianum dici posse,  
 quem Terræ Sanctæ jactura non tange-  
 ret. Proficiscentibus promittit Indul-  
 gentiam ab Urbano II. & Eugenio IV.  
 conces-

Sæcul. XII.  
A. C. 1181.

Roger. Hov.  
p. 611.

Goduin. de  
Præf. Angl.  
p. 344.

Rog. an.

1174. p. 537.

concessam, eorumque uxores, liberos, bona sub tutelam Ecclesiæ suscipit. Potestatem facit, qua pecunias, iter faciendis necessarias, mutuas accipiant, & patrimonium suum Clericis, aliisve pignori dent, si nihil æris a propinquis suis vel feudorum Dominis impetrare possint. In Epistola ad Præsules præcipit Pontifex, ut e cathedris Fideles ad bellum sacrum excitarent, & in Epistola superiore contenta ubique servari curarent. Has autem Epistolas deferebant Templarii & Hospitalarii, qui eas ambobus Regibus, Philippo Franciæ & Henrico Angliæ, ad colloquendum in Normannia die Lunæ vigesima septima Aprilis anno millesimo centesimo octogesimo primo congressis reddiderunt. Duo Reges Terræ Sanctæ calamitate vehementer commoti, se auxilia acceleraturos promiserunt; atque tunc ita in diversa abierunt.

§. XXXIV.

*Ecclesia Angliæ.*

Ecclesia Lincolniensis Episcopum non habuerat, ex quo Robertus Cheneus anno millesimo centesimo sexagesimo septimo octava Januarii e vita migraverat. Quamvis enim post septem ab ejus obitu annos Godefridus, Henrici Regis filius, ex amica genitus, illius Eccle-